

confinado et relegado in perpetuo nel loco di Cherso et Ossero, et sia tenuto presentarse a quel retor una volta a la settimana. Et se per alcun tempo el romperà el confin et relegation preditta, sia et se intendi perpetualmente bandito di Venetia et del distretto et de tutte le terre et luogi di la Signoria nostra, si da parte di terra come da mar, et da tutti navili armadi et disarmadi. Et se per alcun tempo sarà preso ne li ditti lochi et terre et navili nostri, sia condotto a Venetia et sia messo ne la prexon Forte, ne la qual sia serado per anno uno et sia remesso a esso confin, et questo tante volte sia observado, quante volte el contrafarà. Et habbia chi quello prenderà et darà ne le forze de la Signoria nostra, per cadauna volta che'l contrafarà et sarà prexo, ducati 1000 a soldi 124 per ducato de li sui beni se se ne porano haver, se veramente no. di danari de la Signoria nostra. Et sia obligado che avanti che'l sia mandado a esso confin et relegation far restituir de tutti li danari per lui habudi *cum* el muodo contegnudo nel processo, siccome sarà iustificado per li soprascritti do Avogadori di Comun, la metà de li qual danari sia de l' officio di l' Avogaria et l' altra metà sia divisa *equis portionibus* tra li monasteri de le munege del Corpo de Cristo, San Francesco de la Croce de Venetia, Santa Maria de Miracoli, Santa Chiara de Muran, Santo Sepurchio, San Daniel, San Rocco et Santa Margarita, Santa Maria Mazor, et Ognissanti. Et *ulterius*, tute le intromission, termination et dechiarazion fatte per esso sier Michiel, si per sè solo come con li sui collega, le qual non havesseno havuto fin per li Consegi, per quanto aspetta a esso sier Michiel solamente, siano irrite, casse et revocate et de niun vigor et valor, come se per quanto aspetta a lui non fusseno stà fatte. Et li beni di esso sier Michiel siano in perpetuo obligati et ipotecati a le presente tagie, et sia publicà su le scale di Rialto et nel primo Mazor Consejo.

25 1493. Die 9 Septembris. In Rogatis.

Sier Antonio Trun,
Sier Zuan Francesco Pasqualigo dotor
et cavalier,
Avogadori.

Sier Antonio Boldù el cavalier, olim et in hoc casu avogador di comun.

Messeno al Consejo, da poi quello legittimado, che sier Domenego Bolani dotor et cavalier qu.

sier Candian, *olim* avogador di Comun, incolpado haver hauto subornation da più persone che haveano a far davanti da lui, tolte da l'una et l' altra parte, vendendo la iustitia, se possi retenir in tutte terre et lochi de la Signoria nostra, si da terra come da mar, et quello collegiar etc. Et non lo potendo haver, sia proclamà. *Item*, che Berton de Isedo, zà retenudo, qual è sta ministro et partecipe di molte subornation et è in parte confesso, sia ben retenuto. *Item*, che sia proclamà in Venexia et in le altre nostre terre da terra et da mar, che chi havesse dà manzaria al ditto sier Domenego Bolani, fra termine di zorni tre da terra et da mar zorni 15, si debbano venir a manifestar a l' officio de li Avogadori di Comun, et siano absolti da la pena; ma quelli non venirano, cazino a le pene di quelli danno subornation, et di poi di star uno anno in la preson Forte seradi. *Item*, chi ditto sier Domenego havesse in caxa, lo debbi venir a manifestar, sotto pena de ducati 500, et star uno anno in prexon.

† De parte	161
De non	5
Non sinceri	4

Die 7 Octobris 1493. In Consilio Rogatorum.

Sier Benedetto Trivixan,
Sier Antonio Trun,
Sier Zuan Francesco Pasqualigo dotor,
cavalier,
Avogadori.

Sier Antonio Boldù el cavalier, olim avogador.

Messeno il procieder contra il sopraditto sier Domenego Bolani el dotor absente, poi letto el processo et fo : 157, 0, 2.

Item, il Serenissimo, Consieri, et Avogadori messeno una parte sola, *videlicet*, che l' ditto sier Domenego Bolani sia in perpetuo bandito de tutti officii, beneficii, rezimenti et consegi, dentro et di fuora, et de tutti emolumenti, *quovismodo*, per il nostro Dominio, et *perpetue* sia confinà a la Cania; el qual, termine di uno mexe, si debbi venir a presentar a le prexon, et non venendo, se intendi bandito da Venetia et dal distretto, et da tutte terre et lochi di la Signoria nostra, si da terra come da mar, et de tutti navili armati et disarmati, con taia ducati 1000 chi quello prenderà et darà ne le forze,